


CIMELIA

0

1125

kaf. komp.?



1125

CIMELIA

D. ANDREÆ
OSIANDRI
Sacræ Theologizæ, in Schola regio-
montana Prussiæ, Primarij
Professoris,

DISPUTATIO-
NES DVÆ.

VNA,
DE LEGE ET EVAN-
GELIO, HABITA NO-
nis Aprilis. 1549.

ALTERA.
DE IVSTIFICATIO-
NE, HABITA 9 CAL.
Nouembris. 1550.

Math. XVI.
Portæ inferorum non præualebunt
aduersus eam.

Regiomonte Prussiæ, iterum excusse.
ANNO 1553.

Cim. Q. 1125

bibl. Jagi

ANDREAS OSIANDER.
Lectori salutem.

C Ompertum habeo , quod
quidam apud Saxones , &
superiores germanos , fortassis
etiam alibi , de lustificatione pa-
rum sobrie sentientes , ut suos er-
rores tegant ac defendant , mihi
recte de ea docenti , quasi erran-
ti obstrepere & obrectare non
erubescant , hac potissimum fi-
ducia freti , quod sperent me
tam longe submotum , nunquam
certi quicquam , de ipsorum ca-
lumnijs cognitum . Quibus
refutandis has duas disputatio-
nes denuo inuulgauit , ut si eas
dissimulauerint , ac nihil contra
in lucem ediderint , calumniæ

A ij ipsorum

ipsorum omnem apud bonos
fidem repente amittant. Sin aus-
tem contra scribere ausi fuerint,
facile illis ora Deo adiuuante
obstruam, quicunq; & quantis-
cunq; tandem fuerint. Paratus
enim sum, hanc synceram & cœ-
lestem doctrinam, non solum
contra simios, & apostatas, ues-
rum etiam contra portas infes-
rorum defendere. Nemo igitur
bonus & pius, illorum obtrecta-
tionibus moueri debet, donec
sua probarint, & mea legitime
confutarint. Quod facient ad
Calendas græcas. Vale.

D. Andreæ

D. ANDREÆ
OSIANDRI SACRAE
THEOLOGIAE IN SCHO-
la Regiomontana Prussiæ Pri-
marij professoris.

DISPUTATIO
DE LEGE ET EVAN-
GELIO, HABITA NONIS
Aprilis, Anno 1549.



IDE LIS SER-
mo & omni ac-
ceptione dignus,
quod Christus Ies-
sus uenit in hunc
mundum peccatores saluos fa-
cere. 1. Timo. 1.

2. Ita enim iam tum ab ori-
gine mundi promissum fuit a
Deo, cum diceret, semen mulie-

A iij ris

ris conteret caput serpentis.

Genesis 3.

3. Omnes autem peccauerunt
& regent gloria Dei. Roma. 3.

4. Verum tamen nullus omni-
nino peccator adultus saluatur
nisi egerit pœnitentiam. Luc. 13

5. Impœnitens enim cor the-
saurizat sibi iram, in die iræ &
releuationis iusti iudicij Dei.

6. Pœnitentia autem uera,
est agnitus & detestatio pecca-
ti, cum desiderio emendationis,
& spe ueniæ a Deo consequen-
dæ.

7. Porro peccatum non ag-
noscitur, nisi cognoscatur.

8. Cognitio autem peccati
exacta, supra captum humanæ
rationis est, dicente Davide,
Delicta

Delicta quis intelligit? Psal. 19.

**9. Ideo post promissionem,
lex data est, quia per legem cog-
nitio peccati. Rom. 3.**

**10 Lex autem est doctrina di-
uinitus tradita, ostendens no-
bis, quales esse, quidq; facere
atq; omittere debeamus, inobe-
dientibus maledictionem des-
nuncians.**

**11 Hæc lex si posset uiuifica-
re, uere ex lege esset iusticia.
Gala. 3.**

**12 Nemo enim iustificatur
quoniam simul & uiuiscetur, cum
iustus ex fide uiuat. Habac. 2.
Roman. 1.**

**13 Peccatores autem non
dum iustificati, mortui sunt de-
lictis. Ephes. 2. Colossei. 2.**

A iiiij Quos

14 Quos cum lex uiuiscare
non possit, nec iustificare qui-
dem potest, eo quod peccatum
coram Deo neq; tollere neq;
cohibere ualeat.

15 Necesse est igitur legem in
alium usum latam esse, quam ut
iustificet.

16 Quatuor autem præcis
pue S. Paulus legi tribuit. Pris-
num, quod peccatum ostens-
dat. Secundum, quod eidem oc-
casionem prebeat, ut fiat supra
modum peccans peccatū. Ter-
tium quod irā operetur. Quar-
tum quod sit pædagogus no-
ster in Christum.

17 Duplex autem peccati ges-
nus nobis ostenditur per le-
gem. Actuale scilicet & origi-
nale. Pecca

18 Peccatum actuale, est commissum seu omissum contra legem Dei.

19 Peccatum originale, est carentia iusticiæ originalis, debitæ inesse.

20 Iusticia uero Originalis, fuit fiducia erga Deum, tam ex factis, quam ex uerbis eius concepta, non modo perfectam tranquillitatem in rectitudine potentiarum animæ efficiens, uerum & spiritum Deum hauriens, unde Adam etim prophetauit. Gene. 2. Math. 19.

21 Sed quam diu nulla tentatione exercitata, nec per uitiorum temptationis confirmata fuit, Adam ab ea excidere potuit.

22 Vnde manifestum est, iusticiam originalem, & iusticiam

fidei, eiusdem esse generis.

23 Dupli item ratione Lex peccatum nobis ostendit, nema-
pe, quod non solum peccatum
sit, uerum etiam quod & nobis
insit.

24 Nam cum dicit (exempli
causa) Non occidas, Non cons-
cupiscas, etc. non solum homi-
cidium & concupiscentiam, ut
peccata condemnat, uerum etiā
nos, quibus loquitur, ut iracun-
diæ & concupiscentiæ obno-
xios accusat, id quod & in alijs
Decalogi præceptis similiter in-
telligendum est.

25 Iusto enim non est posita
lex. 1. Timoth. 1.

26 Iam si peccator, peccatum
sic ostensum compescere, & suis
ad

ad hoc se uiribus legi satisfacere
posse confidit, experietur pecca-
tum supra modum fieri pec-
cans peccatum per mandatum.

27 Actum demum serio sens-
tit iram Dei in maledictione, uis-
cissimq; irascitur Legi, & per
consequens etiam Legis latori.

28 Hinc manifestum fit, non
solum nos omnes esse natura
peccatores, uerum etiam legem
contra peccatum nullum affe-
re uel remedium uel auxilium,
sed peccatum potius excitare &
exacerbare, illiq; uirtutem, ut sit
ministerii mortis & condem-
nationis suppeditare. Nam uir-
tus peccati lex. i. Cor. 15.

29 Et ita conclusit scriptura
omnia sub peccato, ut promis-
sio

ssio ex fide Christi detur cres-
dentibus. Gala. 3.

30 Interim tamen lex, externa
pædagogia etiam inuitos alii
quo modo in officio continet,
& in Christum qui finis legis
est, respicere docet, tam promis-
siones quam typos illum osten-
dentes, & adumbrantes, nobis
proponendo. Gala. 3.

31 Promissione autem in Pa-
radiso semel facta, & deinceps
patribus iterum atq; iterum, ac
subinde clarius repetita, quum
uenit plenitudo temporis, mis-
sic Deus filium suum, factum ex
muliere, factum sub lege, ut eos
qui sub lege erant redimeret.
Gala. 4.

32 Est igitur Iesus Christus
Dei

Dei Filius, uerus Deus, de Deo
patre ab eterno genitus, & cum
eodem in unitate Spiritus san-
cti, unus & idem Deus.

33. Est & idem semen mulie-
ris, factus ex muliere, absq; com-
mertio uiri, Spiritu sancto sus-
perueniente, & uirtute altissimi
obumbrante conceptus, & na-
tus ex Maria uirgine, absq; pec-
cato, qui antiquo serpenti cas-
put contriuit.

34. Talis enim decebat, ut esset
mediator Dei & hominum,
Deus & homo Christus Iesus.

35. Qui peccata nostra in cor-
pore suo pertulit, legem & om-
nem iustitiam pro nobis adim-
pleuit, pro transgressoribus ora-
uit, & exauditus est pro sua res-
uerentia,

uerentia, patremq; nobis plas-
catum reddidit.

36 Itaq; iam pœnitentia & re-
missio peccatorum in nomine
Christi prædicantur in omni-
bus gentibus. Marci ultimo.

37 Et qui crediderit & baptis-
zatus fuerit saluus erit. Mar. ult.

38 Credenti enim fides repu-
tatur ad iusticiam. Roma. 4.

39 Igitur Fide iustificamur.
Rom. 3.

40 Porro iustificandi uerbū
dupliciter in scripturis accipi-
tur, Significat enim ex impio fa-
cere iustum. Et iusti iusticiam
uel testimonio, uel sententia de-
finitiua comprobare, Nos hic
in priore significatu accipimus.

41 Cum autem scripture ua-
rie

rie de Iustificatione loquatur
(Nam iusticiam Dei per Euangeliū reuelari. Et fidem ad iusticiam reputari. Et nos fide iustificari. Et Christum iusticiam nostram esse dicit) tum proximisime loquitur, cum dicit, iusticiam Dei per Euangeliū revealari. Nam iusticia Christi, quæ eadem est & iusticia Dei per Euangeliū nobis offertur, & creditibus in eum imputatur.
Rom.1. & 3.1 Corin.1.

42 Aque proprie dicit, nos fide iustificari. Nam fide, eam iustitiam apprehendimus.

43 Fides autem non simpliciter, sed propter obiectū suum, qui Christus est, reputatur ad iusticiam, per synecdochēn.

Eodem

44 Eodem modo Christus dicitur iusticia nostra, quia omnis uera iusticia in eo & ex eo est.
Iere. 23 & 33. 1. Cor. 1.

45 Qui credit in Christum, in Christo est, & Christus in eo, sicut dixit. Ego in eis, & tu pater in me. Iohan. 17.

46 Qui habet Christum, habet & patrem & Spiritum sanctum, habet iusticiam Dei, & uitam æternam.

47 Christo autem per fidem in nobis inhabitante, regnum Dei intra nos est.

48 Regnum autem Dei est iusticia, pax, & gaudium in Spiritu sancto. Rom. 14.

49 In quo, qui perseverauerit usque in finem, hic saluus erit.

Disputatio

DISPVTA TIO DE IVSTIFI- CATIONE.

Habita 9. Cal. Nouembris 1550.

Sanctus Paulus, quū ad Galatas inquit, si data esset Lex, quæ posset uiuiscare, uere ex Legge esset iusticia, totam iustificationis nostræ uim, breuissime simul & absolutissime complexus est.

2. Nihil enim iustificat, quod nō & uiuiscet. Nihilq; uicissim uiuiscat, quod non non simul etiam iustificet.
3. Ita ut recte dicamur iustis
B sicari

cari fide, Quia iustus fide uiuit.

Hab. 2. Ro. 1. Galat. 3.

4. Iustificare enim propria
& primaria iustificatione, signifi-
citat ex impio iustum facere,
hoc est, mortuum ad uitam re-
uocare.

5. Id quod proprium opus
est omnipotentiae, sapientiae &
bonitatis diuinae, non minus
quam creare. Rom. 7.

6. Transfertur tamen saepe ad-
aliam significationem, in qua
idem ualeat, quod iustum existis-
mare, confiteri, testari, uel pro-
nunciare.

7. Lex autem peccatum ostens-
dens, & iram operans, cum mi-
nisterium sit mortis, tantum ab-
est a iustificandi efficacia, quan-
tum

tum mors abest ab ipsa uita.

Rom. 7. Rom. 4. 2. Cor. 3.

9. Anima enim ut peccato
dominante mortua est, ita Chri-
sto per fidem inhabitante uiuit.

10 Fidem autem uocamus,
non carnalem humanæ mentis
assensum, quo cuiuis quiduis
credimus, sed motum spiritua-
lem, quem Deus per uerbum
prædicatum, & spiritum suum
sanctum, in cordibus nostris ex-
citat, ut in Iesum Christum fi-
lium eius unigenitum creda-
mus. Colos. 2.

11 Et hæc fides recte describi-
tur ad hebræos. Quod sit hypo-
stasis rerum sperandarum, ar-
gumentum non apparentium.
Hebre. 11.

B ij Facile

12 Facile autem sobrie philosophantibus concedimus, hanc fidem esse qualitatem, modo ipsi nobis uicissim concedant, non esse physicam, aut Aristotelicam, sed supernaturalem, diuinatus in nobis excitatam.

13 Nec eosdem reprehendimus, cum dicunt eam relativi sese habere ad uerbum Euangelij, cum recte intellectum non nihil lucis afferre queat.

14 Obiectum enim fidei, ad quod & fides refertur, est Iesus Christus, Dei & Mariæ filius, per uerbum Euangeliū nobis oblatus & donatus, fideq; a nobis apprehensus. Esa, 9.

15 Et sicut seruus qui dicitur, cum dominum non habeat, res

uera

reuera seruus non est. Ita fides
quæ Christum non apprehen-
dit, complectitur, & possidet, re-
uera Christiana fides non est,
sed assensus carnalis, uel ex sang-
uinibus, uel ex uoluntate carnis,
uel ex uoluntate uiri ortum ha-
bens. Iohann. i.

16 Quare fides iustificans
in sacris literis, semper intelli-
genda est per Synecdochem, ut
scilicet includat obiectū suum,
dominum nostrum Iesum Chri-
stum.

17 Sicut enim Regius Pro-
pheta Calicem suum uocat in-
ebriantem, cum non calix ipse,
sed uinum in calice contentum,
posset inebriare. Ita scriptura sa-
cra, uocat fidem instificantem,
viden B iii cum

cum tamen non fides, sed Christus fide comprehensus, possit uiuiscare & iustificare.

18 Ipse enim factus est nobis a Deo, Sapientia, iustitia, sanctis fidelis & redemptio. I. Corin. 1.

19 Hinc magna fiducia & constanter asserimus, fidem neque qua qualitas est, neque qua relatio, neque qua eximia uirtus, neque ulla sua dignitate, nos iustificare, sed tantum qua obiectum suum Christum apprehendit, & nobis unit.

20 Fides itaque corda nostra præparans & purificans, iustificat accipiendo & possidendo, Deus autem iustus & iustificans eum, qui est ex fide Iesu Christi, iustificat, iusticiam suam nobis

nobis in Christo donando &
conferendo, Acto. 15. Rom. 3.

21 Cum enim duplex iustitia
sit, Dei scilicet & hominum, fia
de, non hanc humanam, sed ille
lam Dei iustitiam apprehendi
mus.

22 Quæ non ideo tantum di
citur iusticia Dei, quod coram
Deo ualeat & accepta sit, sed
quod re uera est iustitia Dei,
Nempe Domini nostri Iesu
Christi, qui est Deus benedi
ctus in secula, amen, Rom. 9.

23 Dominus enim de cœlo
prospexit, super filios hominū,
ut uideat si est intelligens aut
requirens Deum. Psal. 14. & 53.

24 Verum non est iustus quis
quam, aut intelligens, aut requi
rens Deum. Omnes

25 Omnes enim declinauerunt simul inutiles facti sunt, nō est qui faciat bonum, non est usq; ad unum. Ibidem.

26 Sed solus Dominus noster Iesus Christus, qui legem & omnem iustitiam adimpleuit, iustus est, iuxta illud Zachariæ 9. Ecce rex tuus uenit tibi iustus. Math. 4. & 5.

26 Necq; uero ideo iustus est, quia legem adimpleuit, se quia e Iusto patre, ab æterno iustus filius natus est, iuxta illud, Pater iuste, mundus te non cognoscit. Iohani. 17.

28 Eadem igitur est iusticia patris & filij, adde si libet, & spiritus sancti, qua iustus ipse, iustificat

stificat impium, nempe Iustitia
Dei, quæ eadem est & iustitia
fidei. Rom. 4.

29 Quia uero extra Christum
nemo Iustus est, sed omnes mor-
tui delictis, natura sunt filii iræ,
non confertur cuiquam Iustitia
Dei & uita æterna, nisi prius ei
remissa fuerint peccata per sang-
uinē Christi. Ephes. 2. Colos. 2.

30 Vnde iustificationis duas
partes libenter agnoscimus, Re-
missionem uidelicet peccato-
rum, & Reconciliationem.

31 Reconciliationem uero nō
illo uulgari modo accipimus,
quo homo reconciliatur homi-
ni, sed theologice, ut Deo recon-

B v ciliari

ciliari idem sit, quod Christo
uniri, ex eo renasci, illum in no-
bis & nos in illo esse, per illum
uiuere, eiusdemq; in nobis in-
habitantis iusticia, iustos cen-
seri.

32 Christus enim sponsus no-
ster despontat nos sibi, uirginē
castam, hoc est, nulla idolatrīca
doctrina corruptam, & despon-
sat nos sibi in sempiternum in
iusticia & iudicio, in misericor-
dia & miserationibus, & des-
ponsat nos sibi FIDE. 2. Cor. ii
Oseæ 2.

33 Vnde cum eo sumus una
caro, membra scilicet corporis
eius, caro de carne eius, & os ex
ossibus eius. Ephes. 5.

34 Propter hoc relinquet hos
mo

mo patrem & matrem', & ad
hærebit uxori suæ, & erunt duo
in carnem unam. Hoc myste
rium magnum est, in Christo
& Ecclesia. Ibidem.

35 Hinc renascimur in illo &
ex illo, ex aqua & spiritu, non ex
corruptibili, sed incorruptibili
Semine, per uiuum Verbum
Dei, & permanens in æternum.
Iohan. 3. 1. Petri 1.

36 Porro hoc semen Dei, in
credentibus & electis, manet.
Vnde & filij Dei, ac diuinæ na
turæ consortes efficimur. Qui
enim Deo adhæret, fit unus spi
ritus cū eo. 1. Iohan. 1. Galat. 3.
2. Pet. 1. 1. Cor. 6.

37 Nunquā tamen cum Deo
unus spiritus fieremus, nisi pris
us

us cum Christo una caro essemus.

38 Habitat itaque Christus per fidem in cordibus nostris, ut Paulus uult, & per consequens etiam Pater & Spiritus sanctus. Ephes. 3.

39 Quia in Christo inhabitat omnis plenitudo diuinitatis corporaliter, & per consequens etiam in ihs, in quibus Christus habitat. Coloss. 2.

24 Quod ut fieret, Christus a patre precibus obtinuit, dicens. Non pro eis tantum rogo sed pro ihs, qui per uerbum eorum credituri sunt in me, ut omnes unum sint, sicut tu pater in me & ego in te, ut & ipsi in nobis unum sint, sicut nos unum sumus.

mus. EGO IN EIS, ET TU
IN ME, ut sint consummati in
unum.

41 Præterea, id ita futurum,
nobis promisit, inquiens. Qui
manducat meam carnem, & bi-
bit meum sanguinem, in me
manet & EGO IN ILLO.
Iohan. 6.

42 Item. Si quis diligit me, ser-
monem meum seruabit, & pa-
ter meus diligit eum, & ad eum
ueniemus, & MANSIONEM
APVD EVM FACIE-
MVS. Iohan. 14.

43 Item. Rogabo patrem, &
alium paraclerum dabit uobis,
ut MANEAT VOBIS
CVM IN ÆTERNVM.
Spiritum ueritatis, quem mun-
dus

dus non potest accipere. Qui autem spiritum Christi non ha-
bet hic non est eius. Iohan. 14.
Rom. 8.

44 Item. In illo die cognosces-
tis, quia ego sum in patre meo,
& uos in me, ET EGO IN
VOBIS. Iohan. 14.

45 Ac diligenter hortatur, ut
ita in ipso perseueremus, di-
cens, uos mundi estis propter
sermonem, quem loquutus sum
uobis, Manete in me, & EGO
IN VOBIS. Iohan. 15.

46 Hinc Paulus in Domino
sancte gloriatur, se ministrum a
Deo constitutum ad prædican-
dum uerbum Dei, quod sit mys-
terium a sæculis absconditum,
nunc autem patefactum san-
ctis,

Etis, quibus uoluerit Deus nos
tum facere, quæ sint diuitiæ glo
riæ mysterij huius, quod est
CHRISTVS IN NOBIS.
Coloss. 1.

47 Hinc audet, & dicit, Viuo,
iam non ego, VIVIT VERO
IN ME CHRISTVS. Quod
autem nunc uiuo in carne, in
fide uiuo filij Dei. Galat. 2.

48 Item, An experimentum
quæreritis eius, qui IN ME LO
QVITVR CHRISTVS? 2.
Corin. 13.

49 Hinc Corinthios hortas
tur, inquiens, Vos ipsos tentate,
num sitis in fide, uos ipsos pro
bate, An non cognoscitis uos
metiplos, quod IESVS CHRI
STVS IN VOBIS EST?
Nisi

Nisi forte reprobi estis. Ibidem.

50 Item. Templum Dei sanctum est, quod estis uos, sicut dicit Deus, Inhabitabo in illis, & in ambulabo, & ero illorum Deus. 1. Cor. 3. & 6. 2. Corin. 6.

51 Proprio filio suo non percit Deus, Sed pro nobis omnibus tradidit illum. Igitur fieri nequit, ut non etiam omnia cum illo nobis donet. Rom. 8.

52 Qui autem omnia nobis cum illo donat, multo magis ipsum filium totum, quicquid is est, nobis ante donauit. Iuxta illud. Puer natus est nobis, & filius datus est nobis.

53 Hinc iustitia eius essentiali iusti sumus, iuxta illud. Hoc est nomen quod uocabunt eum.

Dominus

DOMINVS Iusticia nostra.

Hiere. 23.

52 DOMINVS enim, ut illic in hebræo ponitur, nomen Dei ineffabile est, & nulli creaturæ communicabile, unicamq; diuinam essentiam, tribus personis, Patri, Filio & Spiritui sancto communem, cum respectu ad incarnationē filij, significat.

55 Itaq; periculose depravant sanctam scripturam, qni cōtent; dunt hic legendum esse. Dominus Iustificator noster, contra manifestam linguæ sanctæ proprietatem, quam nec Iudæi negare audent.

56 Hinc uita eius essentiali uiuimus & uiuemus, luxta illud, Sicut misit me uiuens pater, &

C ego

ego uiuo propter patrem, ita &
qui manducat me ipse quoq;
uiuet propter me. Christus
enim est uerus Deus & uita æ^{et}
terna. Iohan. 6. 1. Iohan. ult.

57 Ac nisi manducauerimus
carnem filij hominis, & biberis
mus eius sanguinem, non ha-
bebimus uitam in Nobis.

Iohan. 6.

58 Manducae autem eius
carnem, & bibere eius sanguis-
nem, hic dumtaxat, nihil aliud
est, quam credere ipsum pecca-
ta nostra pertulisse in corpore
suo, & sanguinem suum effus-
isse in remissionem peccato-
rum nostrorum, sed ita, ut hac
fide cum illo una caro fiamus,

&

& sanguine eius a peccatis laues
mur. i. Petri 2. Math. 26 Apoc. 1.

59 Hinc gloria eius essentiali
glorificati sumus. Quia qui or-
rat. Pater clarifica me claritate,
quam habui apud te, priusquam
mundus fieret. Ille etiam dicit.
Et ego claritatem, quam dedisti
mihi, dedi eis. Iohan. 17.

60 Nam quos uocauit, eos &
iustificauit, quos autem iustifi-
cauit, eos et glorificauit. Rom. 8.

61 Et nos omnes reuelata fa-
cie gloriam Domini speculan-
tes, in eandem imaginem trans-
formamur, a claritate in clarita-
tem, tanquam a Domini spiritu.
2. Cor. 3.

C ii Sumus

62 Sumus itaqz filij Dei, nec
dum apparuit, quid futuri sis-
mus, Scimus autem, quod cum
apparuit, similis ei erimus. 1.
Iohan. 3.

63 Hinc etiam essentiali Ca-
ritate illius inflammamur, ad di-
ligendum ipsum, & proximum
propter ipsum, Caritas enim
Dei, diffusa est in cordibus no-
stris, per Spiritum sanctum qui
datus est nobis. Rom. 5.

64 Deus enim Caritas est, &
qui manet in Caritate, in Deo
manet, & Deus in eo. 1. Iohan. 4.

65 Habemus autē hunc the-
saurum in uasis fictilibus, ut sub
limitas sit virtutis Dei, & non
ex nobis. 2. Cor. 4.

66 Quin etiam mors Christi,
in

in quam per baptismum com-
plantati sumus, in nobis efficax
est, ad destruendum corpus pec-
cati, & mortificandum ueterem
hominem, luxta illud. SI CHRI-
STVS IN VOBIS est, cor-
pus quidem mortuum est prop-
ter peccatum, Spiritus autem ui-
ta est propter iustificationem.
Ephes. 4. Colos. 3. Rom. 8.

67 Omnis spiritus, qui confis-
tetur Iesum Christum, ad hunc
modum uenisse & uenire in
carnem nostram, ex Deo est.
Iohann. 4.

68 Et omnis spiritus, qui non
confitetur Iesum Christum ad
hunc modum uenisse in carnē
nostram, ex Deo non est. Et hic
est spiritus Antichristi, de quo
C. iii audie-

audiuistis, quod uenit, & iam
nunc est in mundo.

69 Errant itaq; toto cœlo, nec
theologico nomine ulla ratione
digni sunt, quotcunq; & quan-
ticunq; sunt, qui putant alia re,
quam solo, uero & uiuo Deo,
patre, filio incarnato, & Spiritu
sancto, nos posse iustificari, ui-
sificari, glorificari.

70 Et quisquis hanc iustifica-
tionis nostræ rationem non tes-
net, quicquid profiteatur ore,
certū tamen est, eum esse Zui-
gianum in corde.

71 Impossibile enim est, ut
credat, uerum corpus Christi
in pane, & uerum sanguinem
eius in Calice, qui non credit
Christum reuera habitare in
Christianō homine. Quiss;

72 Quisquis autem hanc ius
tificationis nostræ rationem, a
Deo doctus, probe tenet, is fa
cile intelligit, non panem & uis
num, sed uerum corpus & sang
uinem Christi, sacramentum
huius mysterij esse oportere,
etiamsi pane & uino tegantur.

73 Glacie quoq; frigidiora
docent, quicunq; docent, nos
tantum propter remissionem
peccatorum reputari iustos, &
non etiam propter iustitiam
Christi, per fidem in nobis in
habitantis.

74 Non enim tam iniquus est
Deus, aut iniquitatis amans, ut
eum pro iusto habeat, in quo
ueræ iusticiæ prorsus nihil sit,
luxta illud, Quoniam nō Deus
Cuius uolens

uolens iniuriam tu es. Psal. 5.

75 Et tales non iusticiam
Dei prædicant, sed multitudini
peccatis ita contaminatæ, ut
Deus in eis inhabitare nec uelit
nec debeat, turpiter blandiun-
tur & adulantur, ne animaduer-
tant, se longissime adhuc abesse
a regno Dei.

76 Iusticia enim Christi, nos
bis quidem imputatur, sed non
nisi quum in nobis est, iuxta il-
lud. Deus eum qui peccatum
non nouerat, pro nobis pecca-
tum fecit, ut nos efficeremur ius-
sticia Dei per illum. Rom. 8.

77 Huic iusticiæ Christi, per-
fectam obedientiam debemus,
ut exhibeamus membra no-
stra, arma iustitie Deo, in sancti-
ficationem,

ficationem, quam quia in hac
uita non perfecte præstamus,
orandum est ut dimittantur no
bis debita nostra, sicut & nos
dimittimus. Rom. 6. Math. 6.

78 Opera nostra quantum
uis bona, neq; iustificant, neq;
uiuificant, neq; glorificant (hæc
enim solius Dei sunt) sed fiunt
a iustificatis, uiuificatis & glo
rificatis, quia arbor mala non
potest bonos fructus ferre. Mat
thei 7. & 12.

79 Et quanç qui iustificatus
est iustificari debeat adhuc, hoc
tamen non sit operibus nostris,
sed cognitione filij Dei per fidē,
per quam ei de die in diem ma
gis unimur, donec omnes oc
curamus in uirum perfectum,

&

& in mensuram ætatis plenitus
dini Christi. Apo. 22. Ephe. 4.


80 Nulla doctrina magis im-
pellit homines ad bene operan-
dum, quam hæc cœlestis de ius-
tificatione nostri doctrina,


81 Nam Deus per Spiritum
suum, a quo aguntur filij Dei,
efficax est in credentibus, & ipsi
ex animo obediunt, uerentes
offendere Deum, quem sibi cre-
dunt ad hunc modum esse præ-
sentissimum, & intimum, ne ab
eo deserti, iterum moriantur.
Rom. 8.


FINIS.


Regiomonte Prussiæ III. Junij
Anno. M. D. LIII.

Bibl. Jagi










24



Biblioteka Jagiellońska



stdr0031884

